

Na osnovu članova 16. i 17. Pravilnika o vrsti vlastitih i ostalih prihoda te načinu i rokovima njihove raspodjele u osnovnim i srednjim školama ("Službene novine Srednjobosanskog kantona", broj 13/15), ministrica obrazovanja, nauke, kulture i sporta donosi

K R I T E R I J E¹
OSLOBADANJA UČENIKA
OD PLAĆANJA NAKNADE
I UPISNINE – PARTICIPACIJE

Član 1.

Ovim kriterijima utvrđuju se uvjeti za oslobađanje učenika osnovnih i srednjih škola od plaćanja naknada i upisnina – participacija definisanih Pravilnikom o vrsti vlastitih i ostalih prihoda te načinu i rokovima njihove raspodjele u osnovnim i srednjim školama.

Član 2.

(1) Učenik osnovne škole kojem se izdaju uvjerenja i druge isprave iz službene evidencije škole oslobađa se od plaćanja naknade.

(2) Učenik srednje škole kojem se izdaju uvjerenja i druge isprave iz službene evidencije škole oslobađa se od plaćanja naknade prema kriterijima kako slijedi:

- dijete poginulih i nestalih boraca te invalida Odbrambeno-oslobodilačkog rata;
- dijete nezaposlenih boraca Odbrambeno-oslobodilačkog rata;
- dijete čiji su roditelji korisnici socijalne pomoći;
- ako se iz iste porodice školuje dvoje ili više djece, naknadu plaća samo jedan učenik (najstariji).

Član 3.

Učenik koji se kao redovni učenik upisuje u srednju školu oslobađa se od plaćanja upisnine – participacije (trošarine) prema kriterijima kako slijedi:

- dijete poginulih i nestalih boraca te invalida Odbrambeno-oslobodilačkog rata;
- dijete nezaposlenih boraca Odbrambeno-oslobodilačkog rata;
- dijete čiji su roditelji korisnici socijalne pomoći;
- ako se iz iste porodice školuje dvoje ili više djece, upisninu plaća samo jedan učenik (najstariji).

Član 4.

Ovi kriteriji stupaju na snagu danom donošenja i objavit će se u "Službenim novinama Srednjobosanskog kantona".

Broj: 01-14-182/16
2. februara 2016.
Travnik

MINISTRICA
Katica Čerkez, s. r.

¹ "Službene novine Srednjobosanskog kantona", broj 4/16 od 30. marta 2016.